

Hist

6377

Hist: 6. 371
istoria Helvetiae

6371


ISTORIA II

Abbonet

Georg und Loren in einem
mit den fünf Orten, Lutzen,
Ung etc. von anderen sind
Jahr 1656 zu Lutzen reprä-
senten sind und Protog-
Künsten.

1656.

~~xxxxx. 6. 21.~~



Abdruck

Deren zwischen denen löblichen Stätten der
Eydgenosschafft/

Zürch vnd Bern an einem:

vnd den Löblichen Fünff Orten / Lucern / Vry/
Schweiz / Vnderwalden vnd Zug / ic. am andern: den 26. Febr.
Alten / vnd 7. Martij Newen Calenders / im Jahr 1656. zu
Baden erhandelter


Fried- vnd Vertrags- Puncten.



Anno M. DC. LVI.



Im Nahmen der Allerheyligsten/ Unzertheilten
Dreyeinigkeit / Gottes des Vatters/
Sohns vnd Heyligen Geistes / Amen.



Wissen kundt vnd offenbar sey
männiglichen hiermit / als dann zwis-
schen den löblichen Städten Zürich vnd
Bern an einem : Vnd dann den fünff
löblichen Orten der Eydgenosschafft/
Lucern / Bry / Schweiz/ Underwal-
den / ob: vnd under dem Kernwaldt vnd
Zug mit dem Oberrn Amte/ am andern
Theyl/ sich etwas Zeitirrung vnd Miß-
verstand sich erhaben / so endlichen zu
einem offenbahren Bruch vnd thätli-
chen Kriegsübung außgeschlagen / das
durch sich viel Vnrechtis mit Blutvergießen / Raub / Brandt / Land- vnd
Leuthverderben/ erwachsen vnd entstanden/ vnd aber auff eyfferig Wohlmei-
nend / Einschlag vnd Vermittelung der löblichen Stätten/ Basel/ Frey-
burg / Solothurn vnd Schaffhausen / durch Ihre an beyde Theil abgefere-
tigte Erbare Botschafften die Sach mit vieler Mühe vnd Arbeit zu einem
Stillstand der Waffen vnd gemeinen 13. Orthischer Zusammentunfft in
der Statt Baden im Ergäu auff den dritten vnd dreyzehenden Februarij
dis lauffenden 1656. Jahrs gebracht vnd veranlasset worden. / eingefunden/
Das hierüber beyde Theil / obermerten Herren Ehren-Gesandten der löbl.
Stätten vnd Orten / Basel / Freyburg/ Solothurn/ Schaffhausen vnd
Appenz

Appenzell, in der Sachen freundlich vnd gütlich zu handeln anvertraut / dieselben auch sich dessen in Trewen vnd mit sonderm Fleiß / Eyffer vnd Aufrichtigkeit / vnterwunden vnd angenommen / vnd darauff durch sonderbare Guad vnd Beystand des Allerhöchsten / angedeutete Zwitteracht penn vnd Irzungen zwischen beyden Partheyen folgender Weiß vnd Gestalt. en hingeslegt / gericht vnd vertragen haben.

Erstlichen sollen alle Behd / Krieg vnd Feindhätlichkeiten von nun an in Löblicher Eydgenosschafft / gänzlich vnd allerdings *cessiren* vnd auffhören / vnd an deren statt ein ewiger / recht auffrichtiger / Ehr:licher vnd beständiger Frieden / vnd Brüderliche Freundschafft / Liebe vnd Vertraulichkeit / nach laut der geschwornen Puncten vnd der Exempel vnserer Frommen Acht forderern sein vnd verbleiben / zu solchem heylsamem vnd erwünschtem Zweck vnd End / auch alles was sich in wehrendem Krieg von den Partheyen selbst / ihren Helffern / vnd allen denen / so sich der Sachen in einiger Weyse oder Weg / inn: oder auffer der Eydgenosschafft angenommen vnd theilhafft gemacht / ohne Vnterscheid vnd Vorbehalt / tod / ab / verziehen vnd vergessen seyn / vnd ohnangesehen beyderseits Ort dafür gehalten / ob hätten etliche Vnderthanen sich in diesem Vnwesen zu weit vergangen / vnd dadurch einer Straff vnderwürffig gemacht / so haben doch beyde Theil auff *Interposition* der löbl. Schieds: Drien / vnd denen zu sonderen Ehren vnd Befallen / hiers mit männiglichem ein *General Amnistiam* vnnnd *perdon* aller vergangenen ertheilt / dergestalten / daß ein vnd ander Seite / wegen erzeugter Vnghehorsam / verwaigeter Hülff vnd Zuzugs / vnderlassenen Gegenwehr / oder anderer dergleichen Vrsachen vnd Zulagen / weder Vbrigkeiten noch Vnderthanen / Geist: noch Weltlichen / sonderbaren Personen noch ganzen Gemeinden / hie diß oder jenseit Gebürgs / von niemanden / wer der seye / vnd vnter was Schein es immer geschehen möchte / nichts weiters zugesucht / nach dessen / was sich mit Worten / Wercken oder Schrifften / sich verlossen vnd zugetragen / in ar:gem mehr einiger Weise gedacht / vnd dessentwegen alle vngütige Verweiß / Schmis: vnd Schmahwort / schänden vnd lästern / sonderlich in Religions: Sachen / (als woraus bißhero viel Vnrath / Haß vnd Verbitterung entstanden / vnd da es nicht abgeschafft / noch ferners entstehen möchte) aller vnd jeden / hohen vnd nidern Stands: Personen auff ein: vnd andern Seiten /

ernst. vnd strenglich verbotten seyn / vnd die Verbrechere ohne Ansehen der Personen / laut Landfriedens / nach gestalt same des begangenen Fehlers / vnnachlaßig gestrafft werden sollen.

Zum Anderen / mögen beyden Theil Ihre Kriegs-Costen gegeneinander fordern / vnnnd derowegen vermittelst der ernambten Herren vnpartheyischer Seiten / Güt. oder Rechtlicher Handlung pflegen / würde sich auch jemand/er seye Geist oder Weltlich/ so bey diesem Kriegs-Wesen niche interessirt, noch entweder einer Parthey anhängig gewesen / erklagen / daß ihm das seinige wieder Kriegs-Gebrauch / auch Recht vnd Billigkeit geualthätig were enesrembdet / oder er in andere Wege an den seinen were beschädiget worden / solle die Sach / wie auch das so in wehrendem Stillstand/einem oder dem andern Theil/ entführet / zum vnpartheyischen Rechten gleichfalls gewiesen/vbriges alles aber durch die *Amnistiam* bedeckt / todt vnd ab seyn.

Drittens / sollen zu wärcklicher Vollziehung des Friedens die Völcker ein- vnd anderseits ohne Verzug abgeföhret / geurlaubet / vnd die in wehrender Vnruch auffgeworfene Schancken vnnnd andere neue *Fortifications-Werck* wider geschliffen / alle eingenommene Plätze vnd Derter von aller Besatzung erledigt vnd *restituirt*, das Thurgaw vnd dessen Regierung in alten Standt gesetzt / beyderseits Gefangene gegen Bezahlung billichmässiger Azung ohne Ranzion vnd Entgelt auff freyen Fuß gestellt / der *modus* aber wie die Schancken vnd angedeutete *Fortifications-Werck* ein vnd ander Orts geschliffen / die Derter *evacuirt*, auch an allen Orten der Ansfang gemacht werden solle / den vnpartheyischen Drtzen / (welche jemanden darzu verordnen mögen) heymgestellt / herneben der Freye / Feyle / Kauff / Handel vnd Wandel / aller Orten vnd Enden wiederumb geöffnet / vnd den *Commerciens* vnd Krämerschaften der Lauff wie von altershero / vnd vor dieser Vnruche gelassen werden.

Vnd dieweil Viertens des Eydgenossischen Rechtens halb / vnd wie selbiges von einem vnd dem andern Drth bestanden werden solle / nicht wenig Irrung vnd Mißverstands vndergeloffen / als seynd die Sachen das dahin erläutert vnd verglichen / daß hinfort die Drth der Eydgenossenschaft ins gesampft / vnd derselben insonderheit in seinen eygenen Landen vnd Gebiethen /

biethen bey seiner Religion vnd Souueraineté oder hoher Landes vnd Gebie-
 then Ober- vnd Herrlichkeit vnd *Iudicatur*, vnangefochten / ruhig inturbirt
 verbleiben / da aber auffer solchen ein oder mehr Orthen das andere / es
 were vmb Herrschafften / Viehweyde / Fischangen / Allmenten / Zöll /
 Geleit / Gericht / Frattel / Burßen / Fürstrecht / Hagen / Jagen / vnd denen
 gleichen Streitigkeiten zu Wasser oder Land heiten / oder gewonnen / sol-
 len dieselbigen / da sich die Partheyen in der Güte nicht selbst vergleichen
 können / dem vnpartheyischen Rechten zur gleichen Seiten (die entwes-
 ders auß ihnen der *Interessirten* Orthen selbst / oder da sie deshalben nicht
 des einig werden könnten / von den vnpartheyischen Orthen genommen
 werden) ohne Mittel vnterworffen seyn / vnd dadurch schleunig erörtert
 vnd außgetragen werden / in den gemeinen Herrschafften aber / darauff
 sich der Landt-Frieden erstreckt / jeder bey der freyen Übung seiner Religion
 vnd was dem nothwendig anhangt / laut Landt-Friedens / vnd in Anno
 1632. auffgerichteten Vertrags / vnangefochten gelassen / vnd da in sel-
 biger Herrschafften Streit vnd Mißhell vnter den regierenden Orthen vors-
 fallen / vnd der eine Theil vermeinen thät / daß solche vermög angeregten
 Vertrags von Anno 1637. durch gleiche Sätze zu entschieden wären / der
 ander Theil aber dessen nicht gestehen wolte / so solle man deswegen nichts
 Vnguts wider einander fürnehmen / sondern den Zweifel oder die Frag /
 ob es zum Rechten gehör oder nicht / durch vnpartheyische Sätze vordes-
 rist entschieden lassen / vnd da die Sachen zum Rechten erkant würden / es
 dann ohne Mittel dabey verbleiben / vnd solche nach Anleytung der Pün-
 cten vnd Landt-Friedens Authentischer Verträgen vnd Abschieden / auch
 nach Recht vnd Billigkeit entschieden vnd außgetragen / Inmittelst aber
 vnd bis zum Austrag Rechtens / alle *Executiones* vnd Thätigkeiten ein-
 vnd andern Seits / vmb die ins Recht gesetzte Sachen eingestellt werden /
 Gestalten dann dißmal zu Erledigung der vorschwebenden Streitigkeiten /
 von der Löblichen Orthen Zürich vnd Bern / Herz Johann Rudolph
 Wettstein Burgermeister Löblicher Statt Basel / vnd Herz Johann
 Jacob Ziegler / Burgermeister zu Schaffhausen / vnd weil er Herz
 Ziegler sich hohen Alters vnd anderer Ursachen halber entschuldiget / an

seine statt Herrn Johann Recksteiner / Landherm des vnsern Stadens
 Appenzell : von Seiten der fünff löblichen Orten aber / Her: Simon
 Petermann Meyer / Burgermeister / oder Herz Franz Peter Gottes-
 nau / Herz zu Wilenz / beyde des Raths löblicher Statt Freyburg /
 auß welchen beyden ein löblicher *Magistrat* allda entweder zu erwöhlen
 gebetten werden solle / vnnnd dann Herz Franz Haffner / Statischreiber
 des geheimen vnd Kriegs Raths löblicher Statt Solothurn / zu Säken
 vnnnd Schieds Richter : So dann Herz Hans Rudolff Burekhardt
 Rathschreiber zu Basel / vnd Herz Christoph Monat / Epitalherz zu
 Freyburg / zu vnpartheyischen Schreibern erannt worden seynd / denen
 bryde Theil ihre Klag vnd Beschwerds Puncten fürderlichst einlicffern/
 vnd da etwas Zweiffels / ob ein oder die ander Sach zum Rechten gehö-
 rig / vorfielen / solcher von ihnen Säken vorderist *decidire* , vnnnd als
 dann die Puncten / so zum Recht erkandt / ehist möglich / auch für die
 Handt genommen / vnd zum Austrag befördert werden sollen / vnd damit
 ein vnd ander Theil versichert seye / daß hierinnen kein anfährlicher Ver-
 zug oder Ausflucht vnnnd Vmberribschafft haben möchte / so haben die
 Fünff löbliche Schieds Orth / Krafft der Puncten / heiter verspro-
 chen vnnnd versichert / da ein oder der ander Theil diesem nicht statt thun/
 oder sonsten den andern gefährlich im Rechten umbtreiben / oder solches
 in der Lange auffzuziehen begehren würde / daß alsdann sie sämptlich oh-
 ne Vnderscheid vnd vngehendert der Religion dem klagenden Theil / zum
 Rechten vnd dessen *Execution* nach ihrem Vermögen vnd Kräfften verhältf-
 lich seyn wollen.

Vntern vnd Fünfftens / den Freyen Zug / da ein oder des andern
 Orts angehörige Burger / Landleuth oder Vnderthanen / auß dem Lande
 zu ziehen / vnd sich in eines andern Orths / so sonderlich einer andern Reli-
 gion zugethan / Gebieth niderzulassen vermeint betreffe / solt jedweders Orth
 bey seiner Gewonheit vnd Herkommen verbleiben / vnd den Obrigkeitten / so
 keine sonderbare Vergleich / *Pacta* oder Burgrecht deswegen gegeneinander
 haben / frey stehen / in den Fürfallenheiten nach *discretion* vnd Belieben zu
 thun vnd zuverfahren.

Vnd dieweil endlich dieser Fried in oberleuterten Puncten vnnnd Artis-
 culn

in von den Partheyen allerseits auff *Interposiuon*, der ohn *Interessirten*
 Schied, Orthen allein auß Lieb vnd Begierd / zu Ruh vnd Wolstand des
 Berthen Vaterlandts / also eingangen vnd beschlossen worden / also ist
 uch abgeredt vnd heitter versehen / daß solche im vbrigen keinem Orth der
 Eydgenossenschaft an seiner Religion / Frey vnd Hochheit / Rechten vnd
 Berechtigkeiten / *Indicatur*, geschwornen Puncten / Landts Frieden meh-
 en / so weit sich das erstreckt / Satzungen / alten Gebräuchen / vnd Her-
 ommen / Burg vnd Land Rechten / *Authentische* Abscheiden vnd Ver-
 sägen / *in specie* des Rechtlichen Auftrags halb / den fünff löblichen
 Orthen an ihren vnter sich selbst habenden Verkommnissen / wie auch an
 ern Stätten an ihren sonderbahren Burgrechten / Abschieden vnd Ver-
 sägen / kein *prajudit* noch Abbruch / gebähren / auch sonst in kein *conse-*
quentz oder Nachfolg gezogen werden solle.

Dessen allen zu mehrerer Befräftigung / vnd damit dieser
 Fried vnd Vertrag von den Partheyen allerseits / jetzt vnd zu
 Ewigen Zeiten / wahr / sicht / vest / vnd ohnverbrüchenlich ge-
 halten / darwider nimmer geredt / gethan / noch zureden oder
 zu thun gestattet werde / haben Vnderzeichnete der beyden
 Theilen Herren Ehren. Gesandte / in Krafft von Ihren Gnä-
 digen Herren vnd Obern habender Gewalten vnd Vollmach-
 ten / in Ihrem vnd ihrer abwesenden Herren Mitgesandten
 Nahm / diesen Brieff mit ihren Handt. Unterschriften vnd
 Pittschafften verwahret / den ohninteressirten Schied-
 Orthen zu handeln gestellt / vnd daß fürderlichst zween gleich-
 lautende vnter Ihrer gnädigen Herren vnd Obern / wie auch
 des löblichen Orthes Glarus beyder Religionen Insiglen ver-
 fertigt / vnd jeder Parthey einer darvon eingeliessert werden sol-
 le / zugesagt vnd versprechen / So beschehen zu Baden im Er-
 gäu / den 26. Februarij Alten / vnd 7. Martij Neuen

Calenders / Anno 1656.

